

41

DECRETVM SACRAE CONGREGATIONIS INDVLGENTIARVM,

Quo declaratur S.^M I Sacramenti Confraternitates omnes canonicè vbique erectas, vel erigendas posse, iux. fel. rec. Pauli III. Constitutiones, frui Indulgentijs, priuilegijs, & gratijs spiritualibus Archiconfraternitati Sanctæ Mariæ supra Mineruam à Sanctis. D. N. PAVLO V. nuper concessis, ac in posterum concedendis.



Let fel. recordationis Paulus Papa Tertius per binas suas Constitutiones concesserit, vt Sanctissimi Corporis CHRISTI Confraternitates omnes, & singulæ vbiuis locorum tunc institutæ ac instituendæ iisdem priuilegijs, concessionibus, Indulgentijs, gratijs, & indultis, quæ Confraternitati ipsius Sanctissimi Sacramenti in Ecclesia Sanctæ Mariæ supra Mineruam de Vrbe erectæ, à se largitæ fuerant, ac in posterum elargirentur, vt, potiri, & gaudere possent, ac deberent; quia tamen per nonnullas Apostolicas Constitutiones, & Ordinationes, quæ deinceps emanarunt; præsertim verò per recolendæ memoriæ Clementis VIII. Constitutionem de Aggregationibus æditam, facultates, & Indulgentiæ, tam supradictæ Sanctæ Mariæ de Minerua, quam cæteris omnibus Confraternitatibus antea concessæ, aut abrogatæ, aut saltem moderatæ comperiuntur, aliæq; hoc de genere decreta sunt, ex quibus in dubium reuocari posse videtur, an huiusmodi Pauli Tertij concessiones pristinum suum robur adhuc retineant. Congregatio Illustrissimorum, & Reuerendissimorum S. R. E. Cardinalium à Sanctis. D. N. PAVLO diuina providentia Papa Quinto Indulgentiarum reformationi Præfectorum optans summopere Sacratissimi Sacramenti venerationem, & cultum in dies magis augeri, ad idq; Christiani fideles spiritualibus gratijs excitari, speciali Sanctitatis Sux ordine viæ vocis oraculo habito, Decernit ac declarat, iuxta easdem Pauli Tertij Constitutiones, omnes & singulas Confraternitates Sanctissimi Corporis Christi vbique Terrarum hæcenus Apostolica, vel Ordinaria auctoritate, erectas, vel de cætero erigendas, absque noua, aut peculiari alia concessione, communicatione, vel aggregatione, fore, ac esse debere participes quorumcumque Priuilegiorum, concessionum, Indulgentiarum, facultatum, gratiarum & indultorum à Sanctitate Sua Archiconfraternitati Sanctissimi Sacramenti de Minerua per Breue dat. Romæ apud S. Petrum die iij. Nouembr. M. DC. VI. nominatim & expressè concessorum, ac in posterum à Sede Apostolica concedendorum, illisq; omnibus, & singulis vti potiri, gaudere posse, ac debere, statim atque Confraternitatum earundem erectio Apostolica, vel Ordinaria auctoritate facta fuerit, seruata tamen in reliquis omnibus prædicta Clementis VIII. Constitutione. Non obstan. Constitutionibus, & Ordinationibus Apostolicis de Indulgentijs ad instar non concedendis, nec alijs contrarijs quibuscunq;. Dat. Romæ die xv. Februarij. M. DC. VIII

R. Cardinalis Bellarminus.

Ant. Episcopus Anagnin. Secret.

ROMAE, Ex Typographia Reu. Camera Apostolicæ. 1608.

DECRETVM
SACRAE CONGREGATIONIS
INDVLTIVARVM.



R. Cardinalis Bellarminus.

Ant. Episcopus Augustini. Secret.

ROMAE, Ex Typographia Rev. Camerae Apollonicae. 1668.